

- Un miracle ? Lo miracle que sieguem pas encara mòrt ! Nos ensenha l'estèla, que devèm anar dins una granja de Craònas...

- Aquí onte t'an tuat tant de collègas ? Mai, que riscam de plus ? L'i anam totei que veirem ben !

(Toteis ensem lei sordats cridan : " Que riscam de mai ? Anem-l'i ! Zo ! " E parton amb de lanternas sornas. A flor e mesura de sordats dei trencadas s'agropan e lei sègon.)

" E tu, Mamadó, venes tanben ambé nautreï ? Que parèis qu'es pas de ta religion, lo ninet qu'es anonciat a Craònas ? "

- De que fa ? Totei leis òmes son-ti pas fraïres ?

- Es pas çò que me sembla, que seriam puslèu fraïres ambé lei garris e lei pevolhs que nos roïgan e nos ponhon dins aquelei caunas fangosas que nos sèrvon d'ostaus !

- Ata ! Mai espinchatz ! Aquí, l'i a d'autrei sordats que se recampan...

- E venon ambé nautres... Son d'Alemands !

- E òc, que siam d'Alemands ! Ieu veni de Wurtemberg, sabètz, parli parier de vautreï, que nos cochèt vòstre rèi censament " solet " qu'èra una brava bordilhassa, estent qu'eriam d'uganands e qu'eriam pas de sa religion !

- milòrds e son sapats a mòrt ? "

- Nautreï, avèm pas de besonh d'èstre sapats per morir ! Un gòt d'aiga ardent avans l'assaut e basta... De cu parles ?

- E bè, reluca-lei, aquestei venon pas dei trencadas. Que non, venon de sortir de son massapan qu'èra una autò.

- Verai... As rason.

- An d'estèlas sus lei margas... E mai an lo pitre flocat de tot plen de decoracions. Pas possible, aquò's de monde dau gròs grum !

- Tè, que vòs que siegan ? Son de generaus !

- La bèla pròva, es qu'an pas de casco ! Pas de besonh de casco que riscan pas de se faire tuar elei, que rèstan ben a la sosta e au caud dins lei fòrts de l'estat-major !

- Mandan leis autres a l'adobador !

- Pasmens, son nòstreï fraïres !

- Serian pas puslèu de fraïras ?

- Mai l'i a un Francés e un Alemand !

Parier de nautres, que siam de Francés e d'Alemands de cotria

(de seguir)

Glaudi BARSOTTI

E ÒC ! BASTA PAS DE S'INDIGNAR !

Que siegan organizats de Forums pariers d'aqueu que se debanèt au Faròt, a Marselha, es tras qu'important. Fau grandmercejar lo monde e leis associacions qu'an complit un gròs trabalh per que capitèsse. Aquò tant per la cultura d'Òc que per l'avançada dei principis democratics de pluralisme culturau, de cotria amb lei mejans economics que permeton de satisfaire aquelei revendicacions e lei besonhs de desvolopament umans en generau.

Pasmens, devèm veire lei perilhs e lei limits actuaus de l'accion occitana que retrobam dins un fube d'activitats diversas e pas ren qu'au nòstre : se pòu pas demandar una avançada culturala sùs leis esquinas deis autreï. Avèm pas de demandar una part mai gròssa de la fogassa, mai una fogassa mai gròssa per donar en totei sensa prendre en degun !

La solidaritat culturala es necita senon ven una mena de populisme egoïsta que virarà en guèrra entre lei gents de cultura, una guèrra dei paures entre elei. Estent aquò podèm regretar que dins lo Forum se siegue pas parlar d'austeritat*. De segur, avèm parlat de la manca de mejans, mai avèm pas dich coma lei trobar alevat de ne prene a d'autrei.

Despuèl de temps (1979) per la comission culturala dei Bocas dau Ròse dau PCF, avèm menat batèsta per un comitat interregionau de la cultura d'Òc. Ara que siam a mand de lo bastir estent l'avançada institucionala d'aquesta idèa, fau pas que siegue una "divina sospresa", mai una victòria generala de la cultura.

Lo movement occitanista pòu pas restar en fòra dau debat economic e dei mejans de trobar per sortir de la crisi. Crèsi pas qu'una renaissença de la lenga pòsque sortir d'una casuda generala de la societat. Lo budget d'un Estat, de l'Euròpa, dau Monde, es pas un budget familiar ont

podèm plus ren faire un còp qu'avèm despensat la paga... **Una Banca nacionala centrala, europèa (e regionala s'es ligada a aquestei solucions), pòu crear de moneda. De moneda d'emplegar per pagar mai, mièlhs, totei lei besonhs. Mai per pagar totei lei besonhs fau d'en premier que la moneda creada s'investisse dins l'industria e lei servicis publics e la creacion de riquesas nòvas que pagaràn lo crèdit que representa aqueu deute fach per la creacion de riquesas. Senon, aurem d'inflacion dei gròssas e tornarmai un apogondiment de la crisi.**


Fau parlar de tot aquò qu'una tierca de demandas sensa mejans per lei financiar basta pas ! "Indignarsi non basta" diguèt Ingrao en respòsa a "Indignez-vous". Lei letrats dau movement occitan devon prene au seriós la question economica qu'es tant importanta que çò que fan dins lo domeni culturau. Un va amb l'autre. Senon se farem agantar sota la leca liberala e cabussarem dins la meteissa decadéncia generala.

M'excusaretz se me trobatz "hors sujet". Au contrari me pensi que siáu en plen dedins. Per o saupre, ne fau discutir e non laisser de caire la question !

Pèire Assante, 5 de decembre de 2013

* Fau se rementar que "l'occitan a la telé", avançada importanta per nautreï, siguèt conquistat en 1982, au moment dau govèrn de senèstra avans lo despart dei ministres comunistas e lo passatge a l'austeritat de 1984. Se rementar tanben lei posicions dei fondators de l'occitanisme modèrn e son adesion a la Resisténcia e ai "Jours heureux".

Pèire ASSANTE



www.octele.com

La promiera tele 100% en occitan !

Cada jorn entre 18.30 e 22.30...

ò en tornar veire

Dessenhs animats, emissions per lei pichons e per lei grands, charadissas, comédias de situacion, filmes, musica, documentaris...

A gràtis e per totei lei gosts !

18.30 : Programas per lei pichons

19.00 : Programas Joïnessa

19.30 : Revista illustrada / Musica / Documentari

20.30 : Cinemà / Charadissa / Concert

Òc tele es accessible sus tot aparelh connectat a Internet : ordinator, televisor, tauleta, esmartfòn, television connectada...

DE NOTAR SUS VÒSTRE AGENDA :

- 05 janvier : Pastorale Audibert, salle polyvalente, Garons (30), 15h30
- 05 janvier : Pastorale Maurel, salle Verdau, Bédarrides (84), 14h30
- 10 janvier : Concert de Guillaume Lopez à Toulouse, espace Saint-Cyprien, 21h
- 12 janvier : Rencontre de rugby du Castres Olympique (CO) contre le Leinster, équipe de la province Irlandaise, dans le cadre de la coupe d'Europe H CUP.13h45 au stade Pierre Antoine de Castres. Vous pourrez y porter le bandana occitan créé par le Centre Occitan del País Castrés
- 18 janvier : Concert Trad'Hivernales de Sommières, 18h avec Calèu, "cançon occitana - cançons fòra dralhas"
- 25 janvier : Le GR2013 des villes : Marseille avec Provença Tèrra d'Òc, Annie et Pierre Tourenc : 0673921045

L'OCCITAN A LA TELEVISION

● **FR3 MEDITERRANEE : VAQUÍ**

Dimanche de 10h45 à 11h15

Et toujours VAQUÍ INFO le lundi à 12h15 dès la fin du journal regional

● **FR3 LANGUEDOC-ROUSSILLON : VIURE AL PAÍS**

Le dimanche à 11h30

Et l'EDICION OCCITANA actualité le samedi à 19h18

"LENGA D'ÒC" sur TVSud

Pour découvrir la nouvelle grille d'horaires de notre émission, vous pouvez aussi la voir en direct sur internet. Cette émission est réalisée par notre association "Tè Vé Òc" qui oeuvre bénévolement!

<http://www.mediasdusud.fr/tvsud/emissions-2/decouverte/lenga-doc/>

L'OCCITAN A LA RADIO

Ràdio Lengua d'Òc ; Montpellier, Seta, Alès 95.4, Milhau 106.1

Ràdio Occitània ; País tolosan 98.3, Comenge 89.4, Lauragués 106.1,

Roergue 93.6. Rèdio País ; Gèrs 98, Bigòrra 103.6